

آبونه شرائطی

ممالک عثمانیه ده سنه لکی (۶۵) ، التي
آیلغی (۳۵) غروشدر .
ممالک اجنبیه ده سنه لکی (۱۷) ، التي
آیلغی (۹) فرانقدر .

اداره خانه

باب عافی جاده سنده دائره مخصوصه

اضطرابات

آبونه بدلی پشیندر .

§

مسلكه موافق آثار مع المحتویه قبول
اولنور . درج ایدیلیمه یازیلر
اطاه اولوغاز .

الاضطرابات

۱۳۳۰

دینی، علمی، ادبی، سیاسی هفته لق جموعه اسلامیه در

والله یهدی من یشاء الی صراط مستقیم

اتبعون اهدکم سبیل الرشاد

عدد ۲۳۹

جلد ۱۰

۲۸ مارت ۱۳۲۹ پنجشنبه ۱ جمادی الاولی ۱۳۳۱

علمای کرامک دولتخانه لرنند استراحتلری

ایله

ملت مهرباننده قورنورلر

اسلامیتک تکامل و تعالیسنه خدمت ایدن «سبیل الرشاد» کبی بر مجموعه دینیہ بی مع التأسف بوراده مطالعه ایدن پک آز بولنیور . بورا اهالیسی بیلیم که نه دن هپ اویقوده یز . اعلان حربدن بری ملت اسلامیہ بی تنویره چالیشانلر پک آز . بوراچه علم و فضیلتلری مسلم اولان مدرسین کرامدن یالکز حاجی سلیمان افندی و اسماعیل افندی نامنده ایکی ذات محترم جمعه کونلری جامعلرده وعظ و نصیحت ایدیورلر و تهذیب اخلاق ایچون جدا چالیشیورلر . دیگر علما ایسه مع التأسف هب سکوت ایدیورلر . جوامعک جمله سنده برر واعظ بولنسه هرکوندن صرفنظر جمعه کونلری برر ساعت بالعموم جوامعده وعظ و نصیحت ایتسه لر و بوده بر عادت حکمنی الهه فنامی اولور ؟ بواکی ذانک نصیحتی ده بر قولانغزندن کیروب دیگر قولانغزندن چیقیور . استفاده ایدنلر من پک اندر . مثلا : حال حربده یز ، الله یالوارلم ، توبه و استغفار ایدلم ، عسکرلر منک موقیتلری ایچون دعا ایدلم دیه بار بار باغیریورلرده ؛ هیچ بریز دیکله میور . جامعدن چیقنجه هان قهوه لره قوشیور ، لمبیاتدن وسائره دن واز کچمیوروز . الله بزه عقل و انصاف ویرسون . بروایت اهالیسی بویله ییارسه ق بشقه یرلرده نه لر یاغازلر . مع مافیہ عرض ایتدیکم وجهله بالعموم جوامعده علمامنر وعظ و نصیحت ایدر و بوده جمعلری عادت حکمنه کیبرسه سفاهت لک یوزده سکمان درجه ده اوکی التمش اولور فکرندیم .

سبیل الرشادده اعلان ایدیلان سیاح شهر عبدالرشید ابراهیم افندی حضرتلرینک عالم اسلام نامنده کی اثرینی اوقودم . عالم اسلامک ، هله چین داخندنه کی مسلمانلرک احوالنه اودرجه متأثر اولدم که شوتأثری قلمم تعریفدن عاجزدر . شوتأثره برده وطنک احوال مؤسسه سی انضمام ایدنجه انسانک چیلدیره جنی کلیور . بزم یعنی اناطولی اسلاملرینک اکثریتی کویلیلر منر تشکیل ایتدیکی کبی بواکثریتک احوالی ده چین اسلاملرینک احوالک عیندر ، علوم دینیہ دن کلیاً بی بهره . اگر بر ایستانتستیق طوطلسی ایجاب ایتسه جهالت یوزده طقان طقوزی بولور . ایشته شو جهالتک ازاله سنی یالکز حکومتزدن بکله بوروز ، هر شیشی حکومتدن بکله مک بر طبیعت حکمنی التمش . مع مافیہ حکومتک معارفه اولان خدمتنی ده جهالتنر اثری اوله رق بکنمیور ، تنقید ایدیوروز . مثلا : حکومت بوراده دارالمعلمین ، صنایع ، زراعت مکتبلری کشاداستدی . اهالیزدن هانکیسنه صورارسه کز بومکتبلرک لزوم سزاوایدنی ، حکومتک بیوده مصرف ایتکده بولنایدنی سویلکدن چکنمزلر . بز علم و معرفتک تکامل ایتدیکی شو زمانده عجبانه وقت عقلمزی باشزه آلوده جهالتنری ازاله ایده جکوز ؟ عجبانه وقت ژاپونلر کبی ملت مکتبلری یاپه رق اولاد وطنی تعلیم و تربیه ایده جکوز . بوخصوصده علمامنرک بر قسمی حتی اکثریسی عنده مسئولدر . علماء کرام کویلر منری ، قصبه لر منری طو- لاشسه لر ، کویلیلر منری ایقاپ ایتسه لر ، هر کویده هیچ اولنزه ایکی کویده بر ملت مکتبی ایچون اهالی بی تشویق ایتسه لر و حکومتدن یالکز معلمنی ایسته سه لر ممکن دکلیدر ؟ اوت نیجه ممکندر . علمک سعادت ، جهالتک فلاکتی تولید ایده جکنی آ کلایان بر کویلی البته چوجفتک تعلیم و تربیه سی ایچون هر فدا کارلنی اجرا ایده جکدر . وچوجنی اولیان بر کویلی ملت مکتبلرینه اعانه ده بولنالنرک دارینده نه کبی مکافانه نائل اوله جفتی آ کلارسه البت بر فدا کارلنده بولنور . [مثلا یوز الهی خانهلی بر کویلیک مطلقا یوز فقییر چوجنی بولنور . هر چوجنی ایچون سنوی حرمن بر لیرا نقد ویا اوکا مقابل حنطه ویرلسی لازمکسه سنده یوز لیرا مکتب اعانه سی طویلانه بیبورکه او مکتبک بری بشیوز و دیگری اوچیوز غروش معاشله ایکی معلمک مصارفنی تأمین ایدر] ایشته هر قریده ویاخود ایکی قریده بر بویله ملت مکتبلری کشاد ایتک و حکومتده بز وارداتی تأمین ایدیوروز ، سزده ایکی معلم کوندرک ،

دیمک ممکندر . فقط بونی دائرة امکانه کتیرمک ایچون علمای کرامده غیرت ، فعالیت ایستر . علمای کرامک دولتخانه لرننده استراحت ایتلریله ملت جهالتدن قورتیله منر . حکومتده بوتون اوقاتی معارفه حصر ایده منر .

صوریورم : عجبانه بزم حالز نه اوله جق ؟ انصاف ایدلسه ده [قوجه روم ایلی الدن کیتدی] اناطولی اهالیسی جهالتدن قورتارلسه . غریب بروقه عرض ایدیم : بوراده اتحاد قلوبنک کشادی صره سنده برده اتحاد مکتبی آچیلمش و معلم مصرفی قلوبک اعضاسی طرفندن تأمین ایدلش ایدی . مکتب اوچ سنه قدر دوام ایتدیکی حالده حکومت سابقه زماننده قولبرقپانجه زواللی مکتبده قیاندی . چونکه مصارفنی تأمین ایدن اولدی . قلوب قیاندی و فقط ارباب هیتک کیسه سی دهی قیامالی ایدی ؟ جمعیه داخل اولق بر جرم ایسه مکتبه اعانه ویرمکده سی بر جرم ایدی ؟ اگر بوراده کی علما بر آز غیرت و ارباب هیته مراجعت ایتسه لر دی شو مکتب قیامنر وزواللی اولاد وطنده تحصیل علمدن محروم قالمزدی .

ایشته بر مجموعه دینیہ صاحب و مدیری اولق اوزره ذات فاضلانله لرینه مراجعت و بالعموم علمای کرامه خطاب ایدیورم :

ای علمای کرام ! ملت ایقاپ ایدک . ملتک جهالت و عطالتنی ازاله ایچون بر جمعیت تشکیل ایدک . ایچکزدن انتخاب ایده جککوز واعظ و ناصحلری (مصارفنی جمعیت ویرمک شرطیله) کویلر ، قصبه لره کوندره رک ملت منری جهالتدن قورتارک . ملت مکتبلری تأسیس ایچون اهالی بی تشویق و ترغیب ایدک . تشکیل ایده جککوز جمعیت خیریه یه نقداً معاونت و فدا کارلنده بولنه جق ارباب هیت بولنور .

ای علمای دین ! هر درلو مشکلاته کوکس کره رک سیاحت ایدک ، اناطولینک اک هجری کوشه لرینه قدر کیدک ، یالکز حکومتده ، معارف نظارتنه کوزلرکزی دیکمه یلک . اولنری وظیفه لرینه براقک . سزک بوصورتله ییاجفتکوز فدا کارلنک البته مکافاتی کوررسکوز ، اسلملرکوز تاریخ اسلام صحیفه لرنده آلتون یازیلرله تزین اولنور . اگر ملت منر جاهل قالمسه ایدی ویاخود شمندی یه قدر جهالتک یوزده آلتمش ازاله ایدلش اولسه ایدی ، قطعات اجنبیه ده کی ، علی الخصوص چینده کی اسلام قارده شلر منر ایچون ینه سزه قارشنی فریاد و آنلر ایچون سزدن استمداد ایده جکدم . نه چاره که بز جاهلز .

ای مدیر محترم ! شو معروضاتی علمایه اسماع ایتدیرر و بر جمعیت خیریه تأسیسنه موفق اولورسه کز ملتک جهالتنی دوشوندکجه قان آغلایان بنم کبی ییچاره لری پک مسرور ایتش اولورسکوز . آقره : برکنج مسلمان

حیات اقوام اسلامیه

دنیا ده نه قادر اسلام وار ؟

۲۳۷ نومرولو و ۱۴ مارت ۳۲۹ تاریخلی محترم سبیل الرشادده تصویر افکاردن و اونک طرفندن ده برالمان رساله سندن منقول (دنیا ده نه قادر اسلام وار) عنوانلی شایان دقت بر بند واردی . بو بندی هر کس کبی بنده کمال اهمیتله اوقودم .

مذکور مقاله دنیا ده کی اهل اسلامک عمومی ، مجموعی ایکی یوز یتش طقوز میلیون اوله رق کوستریلیور . یک نظرده بوخطانک نه قادر بالضروره اختیار ایدلش کذب لره مالی اولدینی کوریا ییر . بالعموم اهل اسلامک نفوسی هر حالده بو مقداردن پک فضله در .

۱۳۱۲ سنه سنده پارسده انتشار ایدن ره و دو لیسسلام عنوانلی

ایله حرکت ایله مه لیدر . صاقینمه لی که عدم انتظام ، عدم اطراد سبی ، عطالت ، او یقو بوراده ده کنیدی کوسترمه سین .

قومیسون یالکتر نفوس اسلامی بی او کر نه یوب عینی زمانده اونلرک احوال نه تنوغرافیا لری ، وطن لری ، لسان لری ، دین و مذهب لری ، وضعیت اقتصادیه لری حقدمه معلومات آمالیدر . مستقل اولانلرک اشکال و اداره حکومتی ، ثروتی ، قدرتی ، وسعت اراضی لری ، مستقل اولمایانلرک هانکی حکومته تابع اولدینی ، نه وجهله اجنبی زیارداره سنه دوشدیکی ، تبعه اولدینی حالده ثروت و موقع اجتماعی ، امتیازی نه ایدوکی حقدمه معلومات استحصال ایله مه لیدر .

اسلاملر ایله مسکون شهرلرک احوالی ، تشکیلاتی ، خواص مدنیه سی ، قدرت اقتصادیه سی و بالعموم اسلاملرک قدرت معارف و وقوف دین لری و مذاهی نظر دقته آله لیدر .

باب مشیخته متشکل غایت فعال قومیسون بو معلوماتی وسائط مختلفه ایله آله ایدر :

(۱) سفیرلریز و شهنبدلریز واسطه سیله . ممالک اسلامی ده بولنان شهنبدلریز غایت امین تحقیقات یا به حق بر موقعه درلر سفیرلرده نزلرنده کی حکومت ایستاتستیکلرندن استفاده ایدرلر . سفیرلرک بو ایستاتستیکلری آله بر رهبر اولور .

(۲) ممالک اسلامی ده کی منور ذوات ، محررین ، و علمادان . الحاله هذه عالم اسلامه بر تیقظ و جید بر آثار حیات رونما اولدیغندن بو وجهله عرض خدمت ایده جکلرک عددی آز اولمه سه کرلدر .

(۳) ایضاً فریضه حج ضمننده هر سنه بیکلرجه حجاج و بونلر میاننده دنیانک هر طرفدن پک چوق علمای اسلام مکّه مکرمه یه کلور ؛ اونلر واسطه سیله ده اهل دین حقدمه اقتطاف معلومات ایله یه بیلیرز .

(۴) بالذات قومیسونک سیاحت و تدقیقات عملیه سایه سینده کی طرز مدید سعیدن .

(۵) نهایت آورو بانک بی طرف و ارباب و قوفدن سیاح و محررینک آثارینه ، رهبر اتخاذ ایدیلک و محتاج تأیید نقاطی تدقیق و تحقیق اولونمق اوزره مراجعت اولونمالیدر .

مقام معالی مشیخت ، بویله مهم بر اثر وجوده کتیرمکله حقیقه بویوک برایشک ایلک آدینی آتمش اولور . بز بو کون نه یایمق ایسته . یورساق بیله مه یورز . شمدیکی وقوفسز و یاوان حالمزله بیلهرک برشی یا به مرکزده امکانی یوقدر . آدیملریزی امین و متین آتمق ایسته یور ؛ بر چوقوره ، اچورومه یو وارلانمده دن بوتون یوللری بیلهرک یورومک آملنده ایسه ک بو قیمتلی اثری همان وجوده کتیرمه لی در .

نفوس و احوال اسلامی بی پک طوغرو و امین اولهرق خلاصه ایدن بو قیمتلی اثر پک عظیم رغبتله مظهر اوله جقدر ؛ السنه اسلامی یه ترجمه اولنهرق کتاب کی طبع ایدیلوب فروخت اولونسه یوز بیکلرجه نسخه سی صرف اولنه جقدر که حاصلاتی دونمایه و اولاد مسلمینک

مجموعه نفوس عمومی اهل اسلامی ۳۰۰ میلیون کوسترمش ایسه ده بوده طوغری عد ایدیله من . خریطه عالمه بر کوز کزدیرمک ، قطعات مختلفه ده کی ادیان اربابی کمال اهمیتله نظر دقته آتمق ، بز اهل دین مینک مقدارینک ۴۰۰ میلیوندن هر حالده نقصان اولدیغنی کوستر . بوتون آفریقایی ، آسیایی ، سوکرا آوروپا و اوسترالیا آطه لرینی قاورایان اسلامیتک منسوبینی بوندن آشاغی اوله مان ، بن بو خصوصده بوتون وارنغمله ادعا ایدم .

جهانده نفوس اسلامی نیک نقصانغنی جان و کوکاله ایسته یه نلر آز دکلدر . حتی پک چوق آوروپا محررلری اسلاملرک کیت و کیفیت اعتباریله قدرینی اسقاط ایتمک بالاتزام و مطرداً چالیشمقده درلر . بوسی ، بر غیرت متعصبانه در . غرب نه قادر مدینت دیه باغیرسه اونک روحسز ، قوقش قابی ینه شرقه قارشی کین طویار . فرط تعصب هر شیئی امر ایدر . بناء علیه بز هیچ بروقت آوروپا علماسندن ، محررلرندن نفوس اسلامی بی او کر نه یه ساعی اولمایلم . چونکه بو خصوصده کی بوتون معلوماتلر هپ یا کلیش ، هپ نقصاندر . اساساً دنیاده نفوس اسلامی بی غربدن ، خرسیتیانلق عالملرندن او کر نه مکّه قالمق قادر دوشکونلک تصور ایدیله من . بز کندی میزی فلاندن او کر نه دیکمزه کوره دیمکه جسارتدن مع التأسف صیقله میورز . سنه لرک تراکم و تفسخ ایتدیردیکی عطالت ، بز کندی مزه صاحب ایتمکدن ، کندی میزه طایتدیرمقدن منع ایتمشدر .

بز اسلامیت عالمک قلبی وظیفه سنی کوریورز . اسلاملرک مظهر ترقی و تکامل اولانی بز . بوندن باشقه مرکز جلیل خلافتده صرف امور اسلامی ایله مشغول بر مقام مشیخت اسلامی وار . بو کارغما ، هر خصوصده اولدینی کبی ، اسلام نفوس و موجودتته ده علاقه دار اوله مدق . نفوس اسلامی یه دائر مشیختک تحقیقاتنه مستند آله مفصل ، صحیح وثیقهلرک موجود اولمه سی قیدسزلغمزک پک بالا ، فقط ، چوق آجی بره انیدر . [۱]

ایسته یورز که نفوس اسلامی بی ینه اسلاملر تحقیق و تحریر ایله سینلر . باب مشیخت بوایش ایله هر شیدن زیاده علاقه داردر . بکا قالیر ایسه مشیخت جلیله هر شیئه ترجیحاً بویله اساسلر اوزرینه مساعیدنی تنظیم ایله سه داها موافق اولور . ایستاتستیک فن سیاست در دیورلردی . حالبوکه بکا قالیر ایسه ایستاتستیک هر شیدر . آله ایستاتستیک اوله دن حرکت ایتمک قارا کلقده هر شیئی کورمه یه بکزر .

باب مشیخت بو خصوص ایچون ارباب و قوفدن بر قومیسون تعیین ایتمه لیدر . باب مشیخت مأمورلرندن ، بو باده ارباب و قوف یوقسه ، سیویلار دن ، عسکرلردن سریعاً اربابی طوپلایوب ایسه باشلامالی در . بو فعال قومیسون بوتون فدا کارلق ، قدرت جوالیتی

[۱] باب مشیخت کندی دائره سنه منسوب نه قدر آدام وار عجباً بیلورمی ؟ دکل باشقه مملکتلرده کی نفوس اسلامی بی ، یالکر ممالک اسلامی ده بولونان مدارس ایله اورایه دوام ایدن طلبه نک مقدارینی کوستر بر جدول عجباً نشر ایده بیلیرمی ؟

تربیه و تعلیمه حصر اولونور . بو وجهلهده امور ملت و حکومت و امور خیریه خدمت ایدیش اولور .

عرض ایتدیکم تشبثک قدری غایت بالاتر اولوب بو اثر ذات حضرت خلافتناهی نیک کتبخانه سنک الک قیمتلی ، الک نادر والزم بر کتاب معتبری اولمالیدر .

بونک باشنده یوکسک و مستثنا سیالر کورونمک ایستره ذات اقدس حضرت خلافتناهی افندمز و شیخ الاسلام افندی حضرت تلمی شوتشبت خیری بک موافق کوره رک لطف و معاونتلرینی هیچ بر وقت دریغ بویورمیه جقلرینه هیچ بر مسلم شبهه ایتمز .

احمد جاوید

حاشیه : حقایق و معالی اسلامییه دائر علمای دین ایله شرق و غربک محررین مشهوره سی طرفندن یازیلان آثار و مقالات مختلفه یی بکرمی سنه دهری جمع و تلفیق ایده رک « منتخبات حقایق و حکمیات اسلامییه » عنوانی ویردیکم و ایکی بیک سکسان اوچ صحیفه تشکیل ایدن بو اثری یوقاریدن بری بسط و تمهید قلندینی وجهله چالده حق اولورسه اولرک خدمته تودیع ایدرم .

ا . ج .

تشیون

مخاربه :

وضعیت حاضره هرفوت و سلطنت . — ادرنه نیک سقوطی اوزرینه روم ایلینک استیخلاصندن قطع امید ایدن باب عالی آرتیق امر واقعی قبول ایتمک مجبوریتنده قالدیغنی آکلایه رق ، حربیه نهایت ویرمک ایستهن دول معظمه نیک توسط تکلیفاتی بلا تردد عیناً قبول ایتدی؛ متفقین اهل صلیب ایسه بوتون روم ایلی یی استیلا ایدرک اجرا ایتدیکی بوقدر مظلوم وحشیانه ایله ، آق دینی اسلام قانلری ایله قانمایه رق اسلامک ابدی بویوک دشمنلریله برابر بوتون بوتون نور اسلامی سوندورمکه عزم ایتدکلرندن دول متوسطه نیک تکلیفاتنه بالابروازانه شرائط درمیانیله جواب ویردیلمر . عالم اسلامده باشلایان حرکات انتباهکارانه دن آتی ایچون اندیشه یی دوشن انکلیزر افریقاده ، اوروپاده دولة الخلافیه و دولایسیله عالم اسلامه ایندیردیکی ضربه ایله مسلمانلرک فعالیت و امیدلرینی انکساره اوغراتمق ایسته دکدن سوکرا ، بودفعه باش کوسترن دیکر برته لکینی ، اسلاو استیلاسنی ده طور دیرمق اوزره اوتنه دن بری مدهش رقیبی اولان آلمانیا ایله ائتلاف ایدرک بوقدر فلاکتلره دوچار ایتدیکی دولة الخلافیه یی شیمدی حمایه یی مجبور اولدی . اوتنه دن جهانک دیکر برقطب عظیمی اولان آلمانیا ده ینه عینی ته لکویه قارشلی کنندی بقسای حیات و منفعتی نامه عثمانیلینی مدافعه یی عزم ایتدی . نتیجه احوالک ایسه یقینده کلاشیله جنی طبیعی در .

ایشته اوچویز کسور میایون کتله اسلامییه مرکز اولان

خلافت اسلامییه و سلطنت عثمانیه بوکون شو ایکی دولتک ، قره لر و دکیزلر حاکمی آلمانیا وانکلتره نیک ائتلافندن حیات بکله یور ، یشامق امید ایدیور .

ای بویوک پیغمبرک کوچوک امتی ، صایسنز افرادی ! حالکی دوشون ، اوتان ، یلره کچ . اسلامی ذلتدن قورتارمادقجه ، اونک شان بلندیغی اعاده ایتدکجه یشامق سکا حرامدر .

بکر منجی عصرده اهل صلیب مظالمی . — تیروهر آنچایکر غزته سنده مندرج ، ۲۱ مارت افرنجی تاریخچه اسکوبدن یازلمش خصوصی برمکتوبدن مستخر جدر : «... شمدیلک سزه طوغری بر تخمین ایله سویلیه بیلمککم غیر قابلدر . یالکز شو قدر دیه بیلیرم که ساده قوصوده ده (۴۰۰۰) ی قادین و چوجق اولق اوزره (۳۰۰۰۰) آرتااود قتل ایدلشدر . کیلان قضا سنده (۹) ، اسکوبده (۱۲) ، دبره ده (۲۴) پرزرین ولومه ده تمام (۳۲) کوی احراق و یاصور ساثره ایله تخریب اولنشددر . عینی احوال یاقوه ، اییک ، وهریزوویج پرشته ، قوصوه و قومانوواده ده وقوع بولشدر . بتون بو حاللر هر درلو تقدیر و تصویرک فوقنده ، اسانلیه جق بر درجه ده در !... بو ظلملری کورمکدن ایسه ، کورمه مکی ، اولمکی ترجیح ایدرم . کاشکه بن ده اوله یدم ده کورمز اوله یدم .

آرتااود روحانیلرندن بری باشنه کان فلاکتلری اکلایور . زواللینک خانه سی حقیقی یر یتیمخانه اولمش ، بو ذات ساده صرب و قره طاغیلرک ارتکاب ایتدکلری وحشتلری اکلته اکلته پتیره میور . کفالده ، مانئیده ، پوقاده ، زادرینده ودها ساثر محالرده ایکی یوزی متجاوز عائله کاملاً محو و افنا ایدلشدر . بو زواللیرک هر بری ده آیری آیری برر صورتله عاقبت خیمه یی معروض قالمشدر . کیسی قورشونه دیزلمش ، کیسی تیغ هلاکدن کچیرلمش ، بعضیسی آصیلمش ، البته آتشلر یاقیله رق دیری دیری آلورلر ایچنده جان ویردیلمشدر . زوالی بر قادینجقزده قازیغه باغلانه رق قیزغین آتشلر اوزرنده محو ایدلشدر .

دارالخلافه :

بعضه کتاب و رسالرک منعی . — « رحمت الهیه برهانلری » ، « انسانلرک عقیده الهیه لرینه بر نظر » ، « اوزون کونلرده روزه » ، « قواعد فقهیه » ، ناملریله انتشار ایدن درت رساله نیک مندرجاتی اصول اسلامییه کلیاً مغایر و نصوص قاطعه یی مخالف اوله رق تاریخ ادیان صروجلرینک اسلامیت علیهنه صرف ایتدیکی افکار سخیفه یی تأیید و ترویج یوالی بر طاقم کفریات و اباطیلدن عبارت اولدینی کی ائمه دین ایله علماء مفسرین حضراته ارباب انکارک آغز لرینه یاقیشیر طعن و تشنیعی محتوی بولوندیغندن ومؤلفلرینک بو صورتله اهل اسلامی اغفاله تصدی ایتدکلری آکلشمله قله رسائل مذکوره نیک هر نره ده وارسه طولانیلمسی مقام مشیختدن داخلیه نظارته اشعار ایدلشدر .

ایران :

بویوک برهنه رک پانامه سی . — شیعیلک عالنده بویوک بر نفوذ